

Единай уруок сценарийа

«Баатара сиригэр эн аатын күн аайы, чаас аайы ахтыллар»

(Музыка иһиллэр, хаартыскалар көстөллөр)

Вед: Үтүө күнүнэн!

Төрөөбүт дойдубут төрүт буоруттан

Төлкөбүт түстэммит тирэх ыырбытыттан

Түөрэх бырахпыт, күнү көрбүт

Сыымахпыт алааһыттан

Эһиэхэ уруй-айхал буолуохтун!

2-с Баатара нэһилиэгэ Сыымах, төрөөбүт түөлбэбит киэн историялаах, ытыктанар сирдээх-уоттаах, улуу аатырбыт дьоннорунан улууска, республикаҕа тийэ аатырар-сураҕылар. Ол курдук Күстэх Боотур саҕаттан тэнийэн үөскээбит, уу сахалы тыллаах, минньигэс соботунан аатырбыт, былыр Амма, Таатта, Чурапчы ааттаахтара айан суола тэппит, от урэх, алаас сирдээх-уоттаах, Улуу артыыстарынан Лазарь Сергучевунан, Дмитрий Ходуловунан, артыыс, суруйааччы Гаврил Колесовунан, норуот ырыаһыта Анастасия Варламованан, Сахаттан бастакы Советскай Сойуус Геройа Федор Кузьмич Поповунан киэн туттар. (Ааттаммыт дьон хаартыскалара көстөр)

Ол курдук ахсынньы 8 күнэ Баатар нэһилиэгин дьонугар-сэргэтигэр, ону тэнэ улуус, республика таһымыгар биллэр бэлиэ күн. 2021 сыл ахсынньы 8 күнүгэр бийиги икки улахан тэрээһини бэлиэтиэхпит. Бу Баатара оскуолата төрүттэммитэ 100 уонна бу оскуола үөрэнээччитэ сахалартан бастакы Советскай Сойуус Геройа Федор Кузьмич Попов төрөөбүтэ 100 сыллара.

Бу уруокпут чопчу Саха норуотун ньургун уола Федор Кузьмич Попов туһунан. Кини кимий... Кини олоҕо төрөөбүт түөлбэтигэр, төрүт алааһыттан саҕыллар, төлкөтө түстэнэр.

Ол туһунан Федор Кузьмич Попов сиэн балта Евдокия Семеновна Борисова кэпсээнин сэргигэбин (биография, оҕо сааһа).

(Слайда, хаартыскалар көстөллөр)

Вед: Дьэ ити курдук Тиэрэ үрэгин көй салгынын ыймахтаан улааппыт Федор Попов, Баатара нэһилиэгин сэрии иннинээҕи ыччаттарыттан биир киэн туттар уоллара, уоттаах сэрии кыргыһытыгар холобура суох хорсун быһыыны онорон, сахалартан бастакынан Советскай Сойуус Геройун үрдүк аатын сүгэн, саха норуотун, төрөөбүт дойдутун албан аатырдыбыта, суон сураҕырдыбыта.

Кини бойобуой суолун билигин ыччат кэпсээн, олох уустуктарыгар ыйыннык оностор.

Тылы биэрэбит тохсус кылаас үөрэнээччигэр Кожин Олега, кини кэпсиин болҕойон истиэбин.

(Оҕо кэпсиин, «Биһиги Сүөдэрбит» киинэттэн фрагменнар, хаартыскалар кестөллөр)

Вед: Дьэ ити курдук Герой аата күн аайы, чаас аайы ахтыллар. Герой аатын үйэтитии туһунан олохтоох Ф.К. Попов аатынан музей-комплекс директора Ходулова Альбина Егоровна сырдатта. (Хаартыскалар кестөллөр)

(Кини кэнниттэн оҕолор хоһоон ааҕаллар)

Вед: (Түмүк) Советскай Сойуус Геройун үрдүк аатын сүкпүт биир дойдулаахпыт Баатара ыччата Федор Кузьмич Попов албан аата үйэлэртэн үйэлэргэ кыһыл көмүс суругунан сурулунна, көлүөнэттэн көлүөнэбэ умнуллубат уот сулустуу чабылыа тыга туруоҕа!

Сүөдэри солбуйар,

Сүөдэрдии сүрэхтээх

Сүүһүнэн ыччаттар турдулар,

Бу чэгийн кырдалтан, кынааты үүннэрэн,

Үөрэнэ үлэлии кетөллөр.